



Røysterrett for alle reknar vi som vårt kor og vi er difor mektig stolte når koret no har sluppet ut sin imponerende cd etter intens jobbing i fleire dagar i Rosendal.

Der skal dei også syngja saman med 2 andre kor i morgon kveld, så her er det god timing. 24 songar har fått plass på cd-en og repertoaret har stor spennvidde, frå salmar og folkeviser til Beatles. Så er da også Frå låvedør til Liverpool den svært slående titelen.

Røysterrett for alle har presentert seg grundig gjennom denne cd-en, men det må leggast til at koret har hatt god hjelp av fleire.

Musikarane Frode Kaldestad, Ove Eikemo og Jan Arthur Kalsaas har vore ein solid ryggrad og solistane Tiril Eirunn Einarsdotter (dirigert Maria Malmsten si dotter) og Aleksander Rebaudo (Uskedalen) har markert seg med fiolin og song. Ei solistrolle har også korets eigen Svein Rimestad i den vakre Kvannsanketid som

han sjølv har omsett og som naturleg avsluttar cd-en. Oddbjørg Bjørke er solist i Vuggevise.

Det er ellers naturleg at koret i denne omgangen syng det dei har sunge mest og difor er det til dømes 4 Beatles-låtar med. Men det er også fleire eom eignar seg godt i ei juletid og for eigen del vil vi også setta ein stor strek under Jul, jul som bør inn på repertoaret til fleire. Og Aleksander er ein lovande songar!

Fornyinga er kanskje ikkje så stor på cd-en, men dette er vel først og framst meint som ein presentasjon av prestasjonane så langt. Og dei er i sannheit imponerande.

Omslaget frå bygdetunet er eit vakkert fotografisk arbeid av Hans Ordin Østebø. Det knyter koret endå fastare til Uskedalen.

Av Ola Matti Mathisen